



Godina XVIII – Broj 79 Srijeda, 23. 11. 2011. godine
SARAJEVO
ISSN 1512-7079

Na osnovu člana 62. stav 3. Zakona o rudarstvu Federacije Bosne i Hercegovine („Službene novine Federacije Bosne i Hercegovine“, broj 26/10), Federalni ministarstar energije, rudarstva i industrije donosi:

P R A V I L N I K

O VOĐENJU KATASTRA ODOBRENIH EKSPLOATACIONIH POLJA, NAČINU VOĐENJA ZBIRKE ISPRAVA I POPIISA PRIVREDNIH DRUŠTAVA KOJIMA SU IZDATE DOZVOLE ZA EKSPLOATACIJU MINERALNIH SIROVINA

I - OPĆE ODREDBE

Član 1.

(Predmet Pravilnika)

Ovim Pravilnikom propisuje se: Način vođenja katastra odobrenih eksploatacionih polja, način vođenja zbirke isprava i popisa privrednih društava kojima su izdate dozvole za eksploataciju mineralnih sirovina na teritoriji Federacije Bosne i Hercegovine (u daljem tekstu Federacije).

Član 2.

(Uvid u katastar i registar)

Uvid u katastar odobrenih eksploatacionih polja i registar privrednih društava kojima su izdate dozvole za eksploataciju mineralnih sirovina po pismenom zahtjevu može izvršiti svako zainteresovano lice.

Uvjerenje o podacima sadržanim u katastru i registru izdaje Federalno ministarstvo energije, rudarstva i industrije (u daljnjem tekstu: Federalno ministarstvo) u roku od 8 dana od dana podnošenja urednog i kompletnog pismenog zahtjeva stranke.

II - KATASTAR ODOBRENIH EKSPLOATACIONIH POLJA

Član 3.

(Definicija katastra odobrenih eksploatacionih polja)

Katastar odobrenih eksploatacionih polja (u daljem tekstu katastar) u smislu ovog Pravilnika je javni registar koji na jedinstven način prikazuje sve relevantne činjenice za svako eksploataciono polje, za koje je izdata dozvola za eksploataciju mineralne sirovine.

Član 4.

(Način vođenja katastra)

- (1) Federalno ministarstvo vodi jedinstven katastar za područje cijele Federacije.
- (2) Kantonalno ministarstvo nadležno za rudarstvo (u daljem tekstu: kantonalno ministarstvo) iz člana 37. stav 3. Zakona o rudarstvu Federacije BiH („Službene novine Federacije BiH broj 26/10) vodi katastar za dozvole iz svoje nadležnosti izdate na području kantona.
- (3) Kantonalno ministarstvo dužno je primjerak dozvole iz stava 2. ovog člana dostaviti u federalno ministarstvo radi evidentiranja u katastar.

Član 5.

(Forma vođenja Katastra)

- (1) Katastarski listovi se uspostavljaju i održavaju na jedinstvenim obrascima u računarskom programu Microsoft Office Excel-u i/ili nekom drugom adekvatnom računarskom programu i u obrascu su sadržani svi podaci iz člana 6. Pravilnika.
- (2) Upis u katastar, odnosno izmjene u katastru se vrše na osnovu dozvola koje je izdao nadležni organ.
- (3) Svako eksploataciono polje vodi se na jedinstvenom obrascu – katastarskom listu.
- (4) Katastarski listovi odobrenih eksploatacionih polja vode se na jedinstvenom obrascu 1. koji je sastavni dio ovog Pravilnika.
- (5) Koordinate eksploatacionog polja po X i Y osi prostorno se unose u geografsko informacioni sistem (GIS).

Član 6.

(Sadržaj katastarskog lista)

- (1) Katastarski list sadrži sljedeće podatke:
 - a) katastarski broj;
 - b) vrsta mineralne sirovine;
 - c) naziv ležišta;

- d) lokalitet eksploatacionog polja;
- e) općina na kojoj se nalazi eksploataciono polje;
- f) kanton na čijem području se nalazi eksploataciono polje;
- g) naziv privrednog društva koje vrši eksploataciju;
- h) adresa privrednog društva koje vrši eksploataciju;
- i) broj, datum i organ koji je izdao dozvolu kojom je odobrena eksploatacija mineralne sirovine;
- j) period važenja dozvole za eksploataciju mineralne sirovine;
- k) površina eksploatacionog polja izražena u hektarima (ha);
- l) način eksploatacije;
- m) rok za pripremne radove.
- n) broj, datum i organ koji je izdao dozvolu za proširenje/skraćenje eksploatacionog polja;
- o) broj, datum i organ koji je izdao Rješenje o potpunoj i trajnoj obustavi eksploatacije.

(2) U rubriku „mjesto za geografsku kartu šireg područja“ unosi se karta razmjere R 1: 200 000, ili po mogućnosti manje razmjere.

(3) U rubriku „koordinate eksploatacionog polja“ unose se granice eksploatacionog polja po X i Y osi.

(4) u rubriku „obradio“ i „datum“ upisuje se ime i prezime obrađivača katastra eksploatacionog polja i datum unošenja/ ažuriranja podataka.

Član 7.

(Obaveza kontinuiranog vođenja Katastra)

Vođenje i održavanje Katastra je kontinuiran zadatak i obaveza nosioca izrade Katastra.

Član 8.

(Preuzimanje i obnova katastra)

Podaci iz postojećeg katastra odobrenih eksploatacionih polja se preuzimaju, prilagođavaju i obrađuju u skladu sa odredbama ovog Pravilnika.

Privredno društvo dužno je na pismeni zahtjev Federalnog ministarstva dostaviti tražene podatke o eksploatacionom polju u cilju dopune katastra.

Član 9.

(Pohranjivanje podataka)

Nosioc izrade katastra dužan je svakih 6 mjeseci vršiti rezervno pohranjivanje podataka na eksterni hard disk.

Obrađeni katastarski listovi se štampaju i pohranjuju u registrator, poredani po katastraskim brojevima.

III POPIS PRIVREDNIH DRUŠTAVA KOJIMA SU IZDATE DOZVOLE ZA EKSPLOATACIJU MINERALNIH SIROVINA

Član 10.
(Način vođenja popisa)

Popis privrednih društava kojima su izdate dozvole za eksploataciju mineralnih sirovina vodi se u registru u koji se abecednim redom upisuju nazivi privrednih društava kojima su izdate dozvole za eksploataciju.

Kod svakog naziva privrednog društva označava se katastarski broj eksploatacionog polja.

Popis privrednih društava iz stava 1. ovog člana vodi se na obrascu broj 2. koji je sastavni dio ovog Pravilnika.

IV - ZBIRKA ISPRAVA PRIVREDNIH DRUŠTAVA KOJIMA SU IZDATE DOZVOLE ZA EKSPLOATACIJU MINERALNIH SIROVINA

Član 11.
(Zbirka isprava)

Za svako eksploataciono polje vodi se posebna zbirka isprava, svi spisi koji se odnose na određeno eksploataciono polje ulažu se u posebni omot.

Na omotu se označava broj katastarskog lista gdje je upisano eksploataciono polje.

Član 12.
(Popis spisa)

Svaki omot iz člana 11. ovog Pravilnika mora imati popis spisa po redu kako su ulagani u odnosni omot. Omoti se čuvaju odvojeno od drugih spisa.

V - PRELAZNE I ZAVRŠNE ODREDBE

Član 13.
(Stupanje Pravilnika na snagu)

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj: 06-34-2148/10
11 novembar 2011. godine
Mostar

Ministar
Erdal Trhulj

Obrazac br.1

| | | | | | | |
|---|---|---|---|---|--|---|
| Bosna i Hercegovina Federacija Bosne i Hercegovine Federalno ministarstvo energije, rudarstva i inustrije | | Bosnia and Herzegovina Federation of Bosnia and Herzegovina Federal ministry of energy, mininig and industry | | Босна и Херцеговина Федерација Босне и Херцеговине Федерално министарство енергије, рударства и индустрије | | |
| A. Šantića bb, Mostar 88000, tel. ++ 387 36 513 820, fax ++ 387 36 580 015, web: www.fmeri.gov.ba | | | | | | |
| KATASTAR ODOBRENIH EKSPLOATACIONIH POLJA | | | | | | |
| a | Katastarski broj | b | Vrsta mineralne sirovine | c | Naziv ležišta | |
| d | Lokalitet | e | Općina | f | Kanton | |
| g | Privredno društvo koje vrši eksploataciju | h | Adresa privrednog društva | i | Broj, datum i organ koji je izdao dozvolu za eksploataciju | |
| j | Period važenja dozvole za eksploataciju | k | Površina eksploatacionog polja (ha) | l | Način eksploatacije | |
| m | Rok za pripremne radove | n | Broj, datum i organ koji je izdao dozvolu o proširenju/ skraćenju eksploat. polja | o | Broj, datum i organ koji je izdao Rješenje o potpunoj i trajnoj obustavi eksploatacije | |
| Zabilješke | | | | | | |
| Mjesto za geografsku kartu šireg područja eksploatacionog polja R 1:200 000 i < | | | | Koordinate eksploatacionog polja | | |
| | | | | Tačka | X | Y |
| | | | | | | |
| | | | | | | |
| | | | | | | |
| | | | | | | |

| | | | |
|--|----------------|--|--|
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | | | |
| | Obradio | | |
| | Datum | | |

Obrazac br.2

| R/B | Privredno društvo | Katastarski broj eksploatacionog polja |
|-----|-------------------|--|
| a | b | c |
| | | |
| | | |
| | | |
| | | |
| | | |
| | | |
| | | |
| | | |